



UNIVERSITÄTS-
BIBLIOTHEK
PADERBORN

Compendium Privilegiorum, Et Gratiarum Societatis Jesu

Pragae, Anno M.DCC.III.

VD18 13723553

Gradus.

[urn:nbn:de:hbz:466:1-65423](https://nbn-resolving.org/urn:nbn:de:hbz:466:1-65423)

verbo *Collegia*. & alibi sæpe in hoc Compendio.



GRADUS.

§. 1.

*Facultas promovendi ad gradus in
Universitatibus.*



Scholares Collegiorum Societatis existentium in Universitatibus alicujus Studii generalis degentes, si prævio riguroso & publico examine, in eisdem Universitatibus reperti fuerint idonei, & Rectores Universitatum eos gratis promovere recusaverint; in prædictis Collegiis à Præposito Generali, vel de ejus licentia à quovis ex inferioribus Præpositis, vel Rectoribus hujusmodi Collegiorum, cum duobus vel tribus Doctoribus seu Magistris, per eosdem eligendis, promoveri possunt ad Baccalaureatûs, & Magisterii, Licentiaturæ, ac Doctoratûs gradus, Julius III. p. 22.

§. 2.

*Facultas promovendi extra Universi-
tates,*

*Idem Scholares Collegiorum existen-
tium*

tium extra Universitates, absoluto suorum studiorum cursu, & riguroso examine præcedente, à Præposito Generali, vel de ejus licentia à quovis ex Præpositis vel Rectoribus hujusmodi Collegiorum, cum duobus vel tribus Doctoribus vel Magistris per eosdem eligendis ad prædictos gradus possunt promoveri. Julius III. ut supra.

Nomine Scholarium in iis duobus §§. intelliguntur Scholares, qui sunt de Societate.

§. 3.

Quinam ex externis promovendi.

Præpositus Generalis, per se, vel aliquem ex Præpositis, vel Rectoribus Collegiorum nostrorum, tam in Universitatibus studiorum generalium, quàm extra illas existentium, in quibus ordinariè studiorum Artium liberalium & Theologiæ lectiones habebuntur, cursusque Ordinarii peragentur, Nostræ Societatis Scholares, & pauperes externos, qui dictas lectiones frequentaverint, & etiam divites, si Universitatum Officiales eos promovere recusaverint, cum per examinatores Nostræ Societatis idonei sunt inventi (solutis tamen per divites suis juribus Universitatibus) in Nostris Collegiis quarumcumque Universitatum, & in aliis extra Universitates consistentibus, quoslibet alios Scholares, qui sub eorumdem Colle-

giorum obedientia, directione, vel disciplina studuerint, ad prædictos gradus, ac aliàs in reliquis, juxta tenorem litterarum Julii III. promovere possunt. Pius IV. pag. 27.

§. 4.

Possunt promoveri per Præfectum.

Potest Præpositus Generalis prædictos gradus, prout dictum est, conferre per Præfectum studiorum cujuslibet Collegii Societatis, in quo Artium vel Theologiæ facultates pro tempore legentur. Gregorius XIII. pag. 61.

§. 5.

Gaudent privilegiis, &c.

Quicumque per Nostros modo prædicto ad gradus promoventur, gaudere possunt omnibus privilegiis & prærogativis, quibus gaudent, qui in Universitatibus, rigoroso examine prævio, ac aliàs juxta inibi observari solitos & requisitos usus, promoventur. Julius III. ac Pius IV. pag. 22. & 27.

§. 6.

Gradus judicium, &c. Generali reservatur.

Graduum discretio & judicium, atque Coadjutorum, tam spiritualium quàm temporalium, simulque Professorum promotio,

tio, juxta Constitutiones, in manu Præpositi Generalis est. Gregorius XIV. constit. pag. 98.

§. 7.

Tempus promotionis.

Tempus promotionis ad hujusmodi gradus, nullo modo certum, seu determinatum esse oportebit. Gregorius XIV. constit. pag. 98.

§. 8.

Qui ad gradum admittendi.

Selecti tantum spiritus & doctrinæ viri, & multum diuque exercitati, ac in variis probationibus virtutis & abnegationis ipsorum, cum omnium ædificatione & satisfactione satis cogniti, admittendi sunt ad gradum Professorum, & non nisi cum Societati, vel ejus Generali fuerit ab eis plenè in Domino satisfactum. Gregorius XIV. constit. pag. 98.

§. 9.

Mutatio gradus prohibita.

Ad Professionem, & cujuscumque gradus mutationem, nemini aspirare licet. Gregorius XIV. constit. p. 98.

Facultates promovendi, de quibus in superioribus §§. quoad Nostros reservantur Præposito Generali; quoad externos verò conceduntur Provincialibus, per se, vel per Rectores,